


Bibël për fëmijët paraqet



Vajza Që Jetoi Dy Herë



Shkruar nga: Edward Hughes
Ilustruar nga: Janie Forest
Adaptuar nga: Ruth Klassen
Alastair Paterson
Përkthyer nga: Arianit & Valbona Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1

Jairi ishte një drejtues fetar Jude, që adhuronte Perëndinë dhe u mësonte Fjalën e Tij të tjerëve.

Një ditë, një siklet i madh i ra Jairit. Vajza e tij e dashur, vetëm dymbëdhjetë vjeçe, u sëmur. Dukej sikur askush nuk e ndihmonte dot. Ishte një sëmundje shumë e keqe. Jairi e dinte që vajza e tij po vdiste.



2

Vetëm një njeri mund ta ndihmonte vajzën e Jairit. Jairi doli për të kërkuar Jezusin dhe ta sillte Atë në shtëpinë e tij. Jairi mbase e dinte se miqtë e tij fetarë nuk e miratonin Jezusin. Por Jairi nuk donte t'ia dinte.



Ai duhej të gjente shpejt ndihmë, përpara se vajza e tij të vdiste.

3

Jairi e gjeti Jezusin të rrethuar nga njerëz. Ai u gjuhëzua tek këmbët e Jezusit.



4

"Vajza ime e vogël dergjet për vdekje", njeriu i dëshpëruar iu lut. "Eja dhe vendos duart e tua mbi të, që ajo të mund të shërohet dhe të jetojë".




5

Jezusi shkoi me Jairin. Por ata nuk lëviznin dot shpejt për shkak të turmës së madhe. Një grua kishte qenë e sëmurë për një dymbëdhjetë vjet të mira. Ajo kishte shkuar në të gjithë mjekët (dhe kishte shpenzuar gjithë paratë e saj) pa gjetur ndihmë. Oh sa dëshironte ajo të shikonte Jezusin!



6

Çfarë mund të bënte kjo grua? "Nëse vetëm do të prek rrobat e Tij, do të shërohem", mermëriti me vete gruaja. Ajo ngadalë dhe me vështirësi iu afrua Jezusit. Pastaj duke shtrirë dorën e saj, preku rrobën e Tij.



7

NJË MREKULLI! NJË MREKULLI! Gruaja u shërua. Menjëherë! Plotësisht! Ajo e dinte se ishte shëruar dhe ishte shëndosh e mirë. Por, atëherë një zë foli. "Kush më preku"? pyeti Jezusi. Turmat e kishin prekur Atë. Por gruaja që ishte shëruar e kuptoi që duhej të tregonte ç'kish ndodhur. E ndrojtur, ajo i tregoi Atij të gjithë historinë.



8


Pikërisht atëherë shërbëtorët erdhën nga shtëpia e Jairit. Fytyrat e tyre mbase tregonin historinë e trishtueshme edhe pa fjalët e tyre. "Vajza jote ka vdekur"! i thanë ata Jairit.

Vdekur! Ishte tepër vonë. Mbase sikur ajo gruaja mos ti kishte vonuar gjërat...mbase, sikur... Vdekur! Vajzëza e shtrenjtë, e vogël, e embël e Jairit kishte shkuar.



9

Kur Jezusi e dëgjoi, ai u përgjigj, "Mos ki frikë; vetëm beso, dhe ajo do të shërohet". Sa e vështirë do të ketë qënë për Jairin ti besonte me të vërtetë Jezusit. Vajza e tij kishte vdekur.



10

Në shtëpi, të gjithë po qanin dhe vajtonin për vajzën. "Ajo nuk ka vdekur, por po fle" u tha Jezusi atyre. Ata e përqeshën. Ata e dinin që vajza kishte vdekur.



11

Jezusi i nxorri jashtë të gjithë ata, mori vajzën nga dora dhe tha, "Vajzë e vogël, çohu". Jairi ishte atje. Gruaja e tij ishte atje. Tre nga dishepujt e Jezusit ishin atje. Ata të gjithë i dëgjuan fjalët e Jezusit. A do ti dëgjonte edhe vajza e vogël?



12

Vajza e vdekur e dëgjoi urdhërin e Jezusit. Fryma u kthye në të dhe ajo u çua menjëherë. Jezusi e kishte ringjallur atë prej së vdekurish.



13

Prindërit e vajzës u mrekulluan. Jezusi u tha atyre që ti jepnin vajzës diçka për të ngrënë. Sa të lumtur ishin ata! Sa mirënjohës ndaj Jezusit! Dashuria dhe fuqia e Tij e mrekullueshme kishte ringjallur vajzën e tyre prej së vdekurish.



14

Vajza Që Jetoj Dy Herë


Një tregim nga Fjala e Perëndisë, Bibla

e marrë nga

Markut 5, Llukës 8

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

15



49



60

16

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëjë atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjeni 3:16

17